

Na osnovu Odluke Vlade Bosansko-podrinjskog kantona Goražde o donošenju Programa utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 Kapitalni transferi drugim nivoima vlasti (vodne naknade) za 2020. godinu – "Plan i Program utroška sredstava u sektoru vodoprivrede za 2020. godinu", broj: 03-11-1512/20 od 19.08. 2020. godine, Ministarstvo za privredu Bosansko-podrinjskog kantona Goražde, **o b j a v l j u j e** :

## **JAVNI POZIV**

### **za podnošenje zahtjeva za korištenje sredstava po Planu i Programu utroška sredstava u sektoru vodoprivrede za 2020. godinu**

#### **I Predmet i svrha Javnog poziva**

Predmet Javnog poziva je prikupljanje zahtjeva lokalnih zajednica u sastavu Bosansko-podrinjskog kantona Goražde za korištenje sredstava ostvarenih po osnovu prihoda od vodnih naknada, prema Planu i Programu utroška sredstava u sektoru vodoprivrede za 2020. godinu za:

- sufinansiranje projekata izgradnje, rekonstrukcije i sanacije cjevovoda za javno vodosnabdijevanje.

Vrijednost Programa za navedene aktivnosti iznosi 400.000,00 KM.

Svrha ovog Javnog poziva je da osigura namjenski, planski i transparentan utrošak sredstava, odobrenih u Budžetu Ministarstva za privredu Bosansko-podrinjskog kantona Goražde na ekonomskom kodu 615 100 Kapitalni transferi drugim nivoima vlasti (vodne naknade), u skladu sa članom 57. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) i Zakonom o izvršenju Budžeta Bosansko-podrinjskog kantona Goražde za 2020. godinu ("Službene novine Bosansko-podrinjskog kantona Goražde", broj: 15/19 i 5/20) , u cilju unaprjeđenja javnog vodosnabdijevanja na području Bosansko-podrinjskog kantona Goražde.

#### **II Opći i posebni ciljevi Programa**

Pored zakonskog osnova, opći i posebni ciljevi Programa su obuhvaćeni Strategijom razvoja Bosansko-podrinjskog kantona Goražde za period 2016-2020. godina („Službene novine Bosansko-podrinjskog kantona Goražde“, broj: 4/16), strateškim ciljem 3: „Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu“.

#### **III Pravo učešća**

Pravo učešća po ovom Javnom pozivu imaju lokalne zajednice u sastavu Bosansko-podrinjskog kantona Goražde.

#### **IV Opći uslovi za dostavljanje zahtjeva za korištenje sredstava vodnih naknada**

Opći uslovi za učešće aplikantata u ovom Programu su:

- De će odobrena sredstva biti namjenski utrošena,
- Da su korisnici sredstava namjenski utrošili i opravdali odobrena sredstva iz prethodne godine ili da je realizacija projekata u toku,
- Da korisnici sredstava osiguraju vlastito učešće ili učešće iz drugih izvora finansiranja, minimalno 40 % od ukupne vrijednosti projekta sa kojim se aplicira,
- Da korisnici sredstava imaju izrađenu investiciono-tehničku dokumentaciju na nivou Glavnog projekta.

#### **V Kriteriji za raspodjelu sredstava**

Za potrebe utvrđivanja visine sredstava koja će biti odobrena po Planu i Programu utroška sredstava u sektoru vodoprivrede za 2020. godinu, tačkom 5.2. navedenog Programa definisani su kriteriji za raspodjelu sredstava.

## VI Obavezna dokumentacija

Zahtjevi lokalnih zajednica za korištenje sredstava po ovom Programu moraju sadržavati slijedeću dokumentaciju:

- Popunjen aplikacioni obrazac "OPP - Osnovni podaci o projektu",
- Ovjerenu izjavu da će odobrena sredstva biti namjenski utrošena,
- Ovjerenu izjavu da su korisnici sredstava namjenski utrošili i opravdali odobrena sredstva iz prethodne godine ili da je realizacija projekta u toku,
- Ovjerenu izjavu da će korisnici sredstava osigurati vlastito učešće ili učešće iz drugih izvora finansiranja, minimalno 40 % od ukupne vrijednosti projekta sa kojim se aplicira,
- Investiciono - tehničku dokumentaciju - Glavni projekat.

Aplikacioni obrazac sa izjavama kao i Plan i Program utroška sredstava u sektoru vodoprivrede za 2020. godinu se mogu preuzeti sa web stranice Vlade Bosansko-podrinjskog kantona Goražde.

Aplikacioni obrazac i izjave trebaju biti elektronski popunjeni.

## VII Podnošenje zahtjeva

Zahtjevi za korištenje sredstava sa traženom dokumentacijom se dostavljaju u zatvorenoj koverti na adresu: Ministarstvo za privredu Bosansko-podrinjskog kantona Goražde, ul. M.Tita 5, Goražde, 73000, sa naznakom:

**«PRIJAVA NA JAVNI POZIV ZA KORIŠTENJE SREDSTAVA PO PLANU I PROGRAMU  
UTROŠKA SREDSTAVA U SEKTORU VODOPRIVREDE ZA 2020. GODINU»  
- NE OTVARAJ -**

Rok za dostavljanje zahtjeva za korištenje sredstava po Javnom pozivu je 02.09.2020. godine do 16,00 sati.

## VIII Ostale odredbe

Sa lokalnim zajednicama čiji se prijedlozi projekata prihvate, Ministarstvo za privredu Bosansko-podrinjskog kantona Goražde će potpisati Ugovor o korištenju i namjenskom utrošku odobrenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona br: 038/228-256 od 08,00 do 16,00 sati.

Broj: 04-11-2008-5/20  
Goražde, 25.08.2020. god.

